

საჯარო სამართლის იურიდიული პირი -
ბათუმის შოთა რუსთაველის სახელმწიფო უნივერსიტეტი

ბრძანება N01-02/145

ქ. ბათუმი

02 აგვისტო, 2023 წ.

**2023-2024 სასწავლო წლის შემოდგომის სემესტრისათვის ბსუ-ში შიდა
მობილობის ვადების განსაზღვრის შესახებ**

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, ბსუ-ს წესდების მე-13 მუხლის, „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 4 თებერვლის №10/ნ ბრძანების, ბსუ-ს აკადემიური საბჭოს 2015 წლის 8 ოქტომბრის №111 დადგენილებით დამტკიცებული „სასწავლო პროცესის მარეგულირებელი წესის“, „კრედიტების აღიარებისა და საგანმანათლებლო პროგრამის შეცვლის ან გაუქმების შემთხვევაში ბსუ-ს სტუდენტთა შემდგომი განათლებით უზრუნველყოფის წესის დამტკიცების შესახებ“ ბსუ-ს აკადემიური საბჭოს 2017 წლის 29 ივნისის №55 დადგენილების, „ბსუ-ში მობილობის (შიდა მობილობის) ადმინისტრირების წესის დამტკიცების თაობაზე“ ბსუ-ს რექტორის 2023 წლის 1 აგვისტოს №01-02/143 ბრძანების, 2023-2024 სასწავლო წლის შემოდგომის სემესტრისათვის ბსუ-ს საგანმანათლებლო პროგრამებზე მობილობის/შიდა მობილობის კონტიგენტის განსაზღვრის შესახებ“ ბსუ-ს აკადემიური საბჭოს 2023 წლის 21 ივლისის №06-01/76 დადგენილების საფუძველზე,

ვ ბ რ ძ ა ნ ე ბ:

1. განისაზღვროს 2023-2024 სასწავლო წლის შემოდგომის სემესტრისათვის ბსუ-ში შიდა მობილობის ვადები ბსუ-ში საგანმანათლებლო პროგრამის შეცვლის ან ბსუ-ს სტატუსშეჩერებული პირის სასწავლო პროცესში დაბრუნების მსურველთათვის (შემდგომში - შიდა მობილობის მსურველი):

ა) ბსუ-ში შიდა მობილობის მსურველთა ელექტრონული რეგისტრაცია ბსუ-ს სტუდენტური პორტალის (<https://portal.bsu.edu.ge>) მოდულის „შიდა მობილობა“ საშუალებით (პროგრამის შეცვლის მსურველი ბსუ-ს სტუდენტი უფლებამოსილია აირჩიოს არაუმეტეს 3 საგანმანათლებლო პროგრამისა და განსაზღვროს არჩეული საგანმანათლებლო პროგრამების პრიორიტეტულობა (რიგითობის შესაბამისად)) - 2023 წლის 4 აგვისტოდან 12 აგვისტოს ჩათვლით;

ბ) სასწავლო პროცესის მართვის დეპარტამენტის შესაბამისი პასუხიმგებელი პირის (შემდეგში - ე.წ. „მობილობის ჯგუფი“) მიერ ბსუ-ს პორტალის „შიდა მობილობის“ მოდულში რეგისტრირებულ სტუდენტთა ელექტრონული განაცხადების ტექნიკური გადამოწმება და დადასტურება - 2023 წლის 14 აგვისტოს ჩათვლით;

გ) ფაკულტეტის დეკანის ან დეკანის ბრძანებით განსაზღვრული პასუხიმგებელი პირის მიერ სტუდენტების ერთიანი ეროვნული გამოცდების/სამაგისტრო გამოცდების შედეგების შეთავაზებულ (სტუდენტის მიერ არჩეულ) პროგრამასთან თავსებადობის გადამოწმება და დადასტურება - **2023 წლის 14 აგვისტოს ჩათვლით;**

დ) ფაკულტეტის დეკანის ან დეკანის ბრძანებით განსაზღვრული პასუხიმგებელი პირის მიერ ფაკულტეტის საბჭოს გადაწყვეტილებით განსაზღვრულ წინაპირობებთან (ასეთის არსებობის შემთხვევაში) შეთავაზებულ (სტუდენტის მიერ არჩეულ) პროგრამასთან თავსებადობას გადამოწმება და დადასტურება - **2023 წლის 14 აგვისტოს ჩათვლით;**

ე) ამ მუხლის „ა“, „ბ“ ან „გ“ პუნქტით განსაზღვრული აქტივობების ფარგლებში გამოვლენილი ხარვეზის შემთხვევაში მობილობის მსულველის მიერ რეგისტრაციის კორექტირება - **2023 წლის 15 აგვისტოს ჩათვლით;**

ვ) ამ მუხლის „ე“ პუნქტის შესაბამისად კორექტირებული მონაცემების გადამოწმება და დადასტურება უფლებამოსილი პირების მიერ - **2023 წლის 16 აგვისტოს ჩათვლით;**

ზ) ფაკულტეტის ხარისხის უზრუნველყოფის სამსახურის ხელმძღვანელობით შიდა მობილობის მსურველთა მიერ საგანმანათლებლო პროგრამის ფარგლებში მიღწეული სწავლის შედეგების შეთავაზებულ (სტუდენტების მიერ არჩეულ) საგანმანათლებლო პროგრამასთან თავსებადობისა და კრედიტების აღიარების დასკვნების მომზადება **2023 წლის 17-19 აგვისტოს** და ელექტრონული ვერსიების (ხელმოწერილი და სკანირებული) ატვირთვა ბსუ-ს პორტალის „შიდა მობილობის“ მოდულის შესაბამის ველში - **2023 წლის 21 აგვისტოს ჩათვლით;**

თ) ბსუ-ს პორტალის „შიდა მობილობის“ მოდულის შესაბამის ველში ატვირთული კრედიტების აღიარების დასკვნების ელექტრონული ვერსიების (ხელმოწერილი და სკანირებული) დადასტურება შესაბამისი ფაკულტეტის დეკანის მიერ - **2023 წლის 22 აგვისტოს ჩათვლით.**

ი) შიდა მობილობის მსურველის მიერ კრედიტების აღიარების დასკვნის გაცნობის შემდეგ ბსუ-ს პორტალის „შიდა მობილობის“ მოდულის საშუალებით **თანხმობის ან უარყოფის** ელექტრონულად დაფიქსირება - **2023 წლის 24 აგვისტოს ჩათვლით;**

კ) ბსუ-ს სასწავლო პროცესის დეპარტამენტის მიერ ბსუ-ში შიდა მობილობაში მონაწილე თითოეული სტუდენტის შესახებ ელექტრონული ინფორმაციის (ე.წ. „ისტორია“, მობილობის ველში რეგისტრაციიდან შედეგების ჩათვლით) ბსუ-ს პორტალის „შიდა მობილობის“ მოდულიდან ამოღება (ბეჭდვა) და სტუდენტის პირად საქმეში განთავსებისათვის შესაბამისი ფაკულტეტისათვის მიწოდება - **2023 წლის 25 აგვისტო;**

ლ) ბსუ-ს სასწავლო პროცესის დეპარტამენტის მიერ 2023-2024 სასწავლო წლის შემოდგომის სემესტრისათვის გამოცხადებული ბსუ-ს შიდა მობილობის შედეგების შესახებ სამსახურებრივი ბარათისა და ბსუ-ში ბსუ-ს რექტორის ბრძანების პროექტის მომზადება და წარმოდგენა - **2023 წლის 25 აგვისტო;**

მ) ბსუ-ში შიდა მობილობის შედეგად შესაბამის საგანმანათლებლო პროგრამაზე ჩარიცხვის უფლებამოსილებულ პირებთან ხელშეკრულებების გაფორმება - არაუგვიანეს 2023 წლის 25 აგვისტოს, 18:00 სთ.-მდე (ხელშეკრულების გაფორმების ადგილის შესახებ ინფორმაცია სასწავლო პროცესის დეპარტამენტმა განათავსოს ბსუ-ს ვებგვერდზე და პორტალზე, შესაბამის ველებში);

ნ) ბსუ-ს შიდა მობილობის შედეგების შესახებ სამსახურებრივი ბარათისა და ბსუ-ში შიდა მობილობის შედეგების შესახებ ბსუ-ს რექტორის ბრძანების პროექტის წარმოდგენა და ბრძანების გამოცემა - 2023 წლის 25 აგვისტოს.

2. დაევალოს ბსუ-ს სასწავლო პროცესის დეპარტამენტს:

- ა) 2023-2024 სასწავლო წლის შემოდგომის სემესტრისათვის ბსუ-ში შიდა მობილობის გამოცხადების შესახებ ინფორმაციის მომზადება წინამდებარე ბრძანებისა და ბსუ-ს მობილობის (შიდა მობილობის) ადმინისტრირების წესის“ (N01-02/143, 01.08.2023 წ) მოთხოვნათა დაცვით და ბსუ-ს ვებგვერდის ადმინისტრირების წესის შესაბამისად წარდგენა (web@bsu.edu.ge) ბსუ-ს ვებგვერდზე, ასევე ბსუ-ს ფეისბუქგვერდზე და ბსუ-ს პორტალზე განთავსებისათვის;
 - ბ) ბსუ-ს პორტალის მოდულში „შიდა მობილობა“ ბსუ-ს მობილობის (შიდა მობილობის) ადმინისტრირების წესის“ (N01-02/143, 01.08.2023წ) განთავსება და ბსუ-ს სრულყოფილად ამოქმედებისათვის შესაბამისი აქტივობების განხორციელება.
3. ბსუ-ს ფაკულტეტებმა, სასწავლო პროცესის დეპარტამენტმა და ხარისხის უზრუნველყოფის სამსახურმა უზრუნველყონ ბსუ-ში შიდა მობილობის პროცესის საქართველოს კანონმდებლობისა და ბსუ-ს მობილობის (შიდა მობილობის) ადმინისტრირების წესის“ (N01-02/143, 01.08.2023წ) შესაბამისად წარმართვა.
 4. ბრძანება განთავსდეს ბსუ-ს ვებგვერდზე.
 5. ბრძანება დაეგზავნოს რექტორის მოადგილეს (ა. ბერიძე), ხარისხის უზრუნველყოფის სამსახურს, ადმინისტრაციის ხელმძღვანელს, ბსუ-ს ფაკულტეტებს (დეკანს, ხარისხის უზრუნველყოფის სამსახურის უფროსს, დარგობრივი დეპარტამენტის ხელმძღვანელებს, დეკანის ოფისს), სასწავლო პროცესის დეპარტამენტს (ასევე სამსახურებს), საქმისწარმოების სამსახურს (კანცელარია), სამეცნიერო კვლევების სამსახურს, საზოგადოებასთან ურთიერთობის სამსახურს, იურიდიულ დეპარტამენტს და საინფორმაციო ტექნოლოგიების სამსახურს.
 6. ბრძანება ძალაში შევიდეს ხელმოწერისთანავე.
 7. ბრძანება საქართველოს კანონმდებლობით დადგენილ ვადაში და წესით შეიძლება გასაჩივრდეს ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

რექტორი, პროფესორი

მერაბ ხალვაში